

**ПОЛНОЕ СОБРАНИЕ
РУССКИХ ЛЕТОПИСЕЙ**

Том 29

**Летописец начала царства царя
и великого князя Ивана Васильевича.
Александро-Невская летопись.
Лебедевская летопись**

П51

П51 ПОЛНОЕ СОБРАНИЕ РУССКИХ ЛЕТОПИСЕЙ: Том 29. Летописец начала царства царя и великого князя Ивана Васильевича. Александро-Невская летопись. Лебедевская летопись / – М.: Книга по Требованию, 2013. – 350 с.

ISBN 978-5-518-92969-2

ЛЕТОПИСЕЦ НАЧАЛА ЦАРСТВА ЦАРЯ И ВЕЛИКОГО КНЯЗЯ ИВАНА ВАСИЛЬЕВИЧА

Летописец начало царства царя и великаго князя Ивана Васильевича всея Русии от^а .л. 88
отца его преставления блаженнаго и приснопамятнаго великаго князя Василия Ивановича всея
Русии, въ иноцѣхъ Варлама.

В лѣто 7042-го. Мѣсяца сентября о преставлении великаго князя Василия Ивановича всея 1533
Русии^б. В нѣделю князь великий Василей Иванович всеа Русии выехал с Москвы и с великою
княгинею Еленюю и з детми своими к живоначалной Троице в Сергиев монастырь къ чудотворцо-
вой памети Сергиевой помолитися, а оттоле поѣхал на Волок на свою царскую потѣху. И на Во-
лоде начат изнемогати ногою, и проявися болячка на ногѣ той, и почат болѣзнь люта быти от
болячки той. И повелѣ великий государь везти себя с Волока къ пречистой в Осифов монастырь
помолитися. И оттоле на Москву привезоша его больна ноября в 23, в недѣлю. И не бѣ великому
государю от болѣзни той облегчения, но zelo отягчение велие, и уразумѣ великий государь Ва- .л. 88 об.
силей болѣзнь свою смертнѹю || и призва сына своего старѣйшаго князя Ивана, еще же ему младѹ
сущу, наставшу лѣту четвертому от рождения его. И великий государь восклонися мало на одрѣ
своим и благословилъ крестомъ сына своего и возложи на него крестъ и рек: «сим святым и живо-
творящим крестомъ благословилъ святѹи Петръ чудотворец прародителя нашего великаго князя
Ивана Даниловича и весь род нашъ великихъ князей Володимерскихъ и всеа Русии. Такожде и яз
тобя благословляю, сына своего старнишаго, симъ святым крестомъ. Да будет тебѣ сии святѹи
животворящии крестъ на прогнание врагом и борителемъ нашихъ, много бо иновѣрнии покушася^в
на православие, на нашу дръжаву, богомъ порученнѹю нам, и разорити хотяще, но не возмогоша
одолѣти крестныи силы, естъ бо намъ вѣрнымъ забрало крестъ честныи и святыхъ молитвы. Благо-
словляемъ же его животворящим крестомъ, которои прислан из Царягорода от царя Костян- .л. 89
тина Манамаха великому князю Володимеру Манамаху, и венець царской и диядимы и || царьские,
ими же венчанъ царь Манамах.» || симъ сыну своему на царство венчатися повелевает, еже божнимъ
благоволением и бысть: «также и вручаю тобѣ сии скипетръ, великия Росия дръжаву, великое
княжение Володимерское и Московское и Новоградцкое и всеа Русии великое государьство, да
буди благословенине на великомъ государьстве наше державы отныне и до века». А сына своего
меньшого князя Юрья благословилъ крестомъ и дал ему да и вотчиною его пожаловал Угличемъ-
полем и иными города. А приказывает великои княгине Елене свои дѣти и престол области дер-
жавствовать скипетръ великия Русии до возмужения сына своего, вѣдаше бо ея великий государь
боголюбиву и милостиву, тиху и праведливу^г, мудру и мужествену, и всякого царьского разума
исполнено сердце ея, но от бога дарованное и таково дарование, яко во всемъ уподобися великой
и благочестной царице Елене изспародителницы || Русской великой княгине Ольге, нареченной .л. 89 об.

^а в рукописи и К п. Так в Никоновской летописи. ^б слова всея русии написаны на поле другим почерком и чернилами. ^в в рукописи исправлено другими чернилами из покушашеся. ^г в рукописи на поле написано лѣта 7042-го. В К в текстѣ.

во святомъ крещеніе Елене. И князь великий полагаєт на неи все правленіе великого государства многога ради разума по подобію и по достоинству и богомъ избранну царьского правленія. И возлег великий государь Василей болѣзнуя при смерти и пострижесе во иноческїи образъ и в схиму Данилом митрополитом всеа Русїи, мѣсяца декаврія 3 дня, в среду в 12 час ноци, а наречено имя ему во иноцех Варлам. И давъ великий государь миръ и благословеніе великой княгини Елене своєи и дѣтем своим и ту предстоящим, и того же часа во исход преставися. И во утрия день, в четвертокъ на память великой мученицы Варвары, погребоша тѣло его въ церквии святого и великого архистратига Михаила, возлѣ отца его великого князя Ивана Васильевича, въ применитом и царствующем граде Москвѣ, идѣже и прародители их лежат, великие князи. А бывъ на государстве на великом княженіи после отца своего великого князя Ивана Васильевича всеа Русїи 28 лѣтъ и тридцять дней и седми, а всѣх лѣтъ живота его пятьдесят и четыре и восемь мѣсяць и девять дней.

О князе Юрьѣ^а. А брат великого князя Василя Ивановича князь Юрь Иванович при великом князе Василю и крестъ ему целовал, что ему брату своему великому князю Василю и его дѣтем некоторого лиха не дѣлати и государствъ их великий княжествъ под нимъ и под его сыномъ князем Иваном и под ихъ дѣтми никак не подискивати. И как божья воля ссталася, великого государя Василя^б в животѣ не стало, и князь Юрь крестъ целовал великому князю Ивану Васильевичю^в и его матери великой княгини Елене, что ему великому князю и его матери великой княгини лиха никакова не мыслити, ни думати, ни государствъ под нимъ великих княженіи, чѣмъ его благословилъ отецъ его великий государь Василей Иванович всеа Русїи, князю Юрью под нимъ никакими дѣлы злыми не подискивати. Но ненавидя добра^г и враг дьяволъ, иже всегда радуєся о погибели чловѣчьстєн || и о кровопролитїи и о межиусобныхъ брани, вложи бо яром великого князя мысль неблагу: только не поимати князя Юрь Ивановича, ино великого князя государству крѣпкѣ быти нельзя, потому что государь еще млад, трех летъ, а князь Юрь совершенный чловѣкъ, люди приучити умѣет, и как люди к нему пойдуть, и он станет под великим княземъ государствъ его подискивати. Сего бо ради ненавидя добра враг дьявол вложи мысль сию, вѣдяше бо, аще не поиман будет князь Юрь, не тако воля его совершитца въ грабленїи и въ продажах и въ во убїиствах. Сего ради наустїи их на зло сие дѣло. Они же убо помрачени бывше дьяволим дѣбством и уже дѣлу оному окаянїе коснутися хотяху. А не ведуще, яко богъ дает власть, ему же хоцет, к сим бо рече апостолъ, глаголюще: быти мудри обьюродѣша. И тако мысляху, какъ бы великой княгини сказати, они же совѣту своего еще не утвердиша. И паки дьявол^д видя, яко хоцетъ мысль збытися, вниде во князя || Ондрѣя Шуиского, и восхотѣ князь Ондрѣи отѣхати ко князю Юрью Ивановичю. И преже бо того онъ отѣежал при великом князе Василю, и князь великий посылал погоню^е и по брата по его по князя по Ивана, оба бо тогда отѣежали; князь же Юрь нїмала не пререкова от нихъ, но вскоре их отда великого^ж князя посланником князю Юрью Дмитреевичю Пронскому да Елизару Цыплятеву, они же приведоша их къ великому князю на Москву. Князь же великий положи на них опалу свою^з, велѣл их оковавши розослати по городомъ. После же великого князя великая княгиня их пожаловала, выпустила из поиманья, а большее митрополитъ и бояре печаловалися, понеже бо великая княгиня тогда в велицей печали по великом князе Василю Ивановиче, и тако пожаловала, им опалы отдала и пожаловала их. Он же злодѣи, мало побыв тако, паки мыслїи ко князю^и Юрью отѣхати, и не токмо отѣхати, но и на великое княженіе его подняти, а у князя сего на мысли не было, || понеже бо крестъ целовал великому князю, како было ему изменити. Но князь Ондрѣи Шуиской одинако помышляше злое православному крестьянству, но бог его совѣт разруши вскоре. Сказа бо свои совѣт брату своему князю Борису Горбатуому сице, что посылаетъ по него князь Юрь, и он к нему хоцет

^а в рукописи заголовок написан на поле. ^б в рукописи написано над строкой. ^в в рукописи далее зачеркнуто васильевичю. На поле написано лѣта 7042-го. В К в тексте, после васильевичю. ^г в рукописи нет, исправлено по Никоновской летописи. ^д в рукописи дьявол. ^е в рукописи буквы го написаны над строкой. ^ж в рукописи переделано из великому. ^з в рукописи на поле лѣта 7042-го. ^и в рукописи князю.

отъѣхати, ино бы к ним ѣхал князь Борис^а: «а здѣсе нам служити и нам не выслужити, князь велики еще молод, а се слова носятся про князя Юрья. И только будет князь Юрьи на государстве, а мы к нему ранее отъѣдем, и мы у него тѣм выслужим». Князь же Борис^а не восхотѣ отъѣхати ко князю, но и ему возбраняше. Князь Одрѣи же видя, яко неугоден явися совѣт его князю Борису, и прииде къ великой княгине и к великому князю, сказа, что будто присылал по него князь Борис брат его, а говорил ему, чтобы с ним ѣхал ко князю, а князь будто к нему присылал, чтобы к нему ѣхал, а к нему хотят будто многие люди. И князь Борис великой княгине бил челомъ, что || на него сказывает князь Одрѣи не по дѣлу: сам его князь Одрѣи подговаривал, чтобы .л. 92 с ним отъѣхал, и он отъѣхати не похотѣл, и князь Одрѣи на него тово дѣла затевает. И великая княгини того сыскав, что князь Одрѣи лгал, а князь Борис сказал правду, и велѣла князи Одрѣя посадити^б въ стрѣльнице за сторожи. И бояре рѣша великой княгине: «только, государыни, хочешь государство под собою и под сыном под своим, а под нашимъ государемъ крѣпко держати, и тобѣ пригоже велѣти поимати князя Юрья». Великая же княгини тогда быше в велицей кручине по великом князе Василье и рече бояром: «как будет пригоже, и вы такъ дѣлайте». Бояре же оттоле почали думати. А у князя некоторого же помышления^в лихово не было, глаголаху бо мнози, яко мнози его дѣти боярские говорили ему, чтобы князь поѣхал въ Дмитровъ. Не токмо же дети боярские, но и бояре его глаголаху ему: «только, государь, поѣдешь в Дмитров, ино на тебя никто посмотрити не смѣет, а здѣсе тебе жити ино нас слухи до||хотят^г, кое, .л. 92 об. государь, тобѣ одноконечно быти поиману». Князь же отвещав им: «приѣхал ко государю великому князю Василию, а государь по грехом боленъ, и яз ему целовал крестъ да и сыну его великому князю Ивану на том, что ми ему добра хотѣти во всем и государствъ под нимъ и под его сыном не подискивати некоторыми дѣлы, и миѣ какъ крестное целование преступити. Готовъ есмь по своей правде и умерети». А бояре совѣт сотвориша, что им князя Юрья поимати, и великой государыне княгине сказаша думу свою. И великая княгини рече имъ: «то вѣдаете вы». И бояре князя Юрья изымали мѣсяца декабря в 11 день, в четверток, и посадиша его въ полате на дворце за сторожи и его бояр.

О звездах^д. Тоя же осени, октеврия мѣсяца в 24 день, в ноци с пятницы на субботу, во граде Москвѣ видѣна мнози людие: звѣзды по небеси протягахуся, якоже верви и летяху с востока на зимнии запад.

О Крымских послѣх^д. Тоя же осени ноября, приѣхали к великому князю Василию Ивановичю всеа Руси на Москву от Саип-Гирѣя, царя Крымскаго, человекъ его Девлет-Килдѣи, а от Ислама царевича Будалыи-мырза з грамотами, а князь великии тогда уже немощен, || и велѣл .л. 93 князь великии у них грамоты взяти. Да царь же прислал к великому князю с своим человекомъ с Каиб-Берѣдѣем грамоту Петра, воеводы Волошского. И как божья воля ссталася, великого князя Василія в животѣ не стало, и божьею милостью и великого государя Василія Ивановича всеа Руси благословением на тѣх государствах государемъ сѣл сынъ его большой князь великии Иван Василиевич всеа Руси и велѣлъ быти у себя цареву Саип-Гирѣеву человеку и Исламову человеку и их жаловал^е.

О послѣх о Крымских^д. Тоя же осени князь великии Иван Васильевич всеа Руси посовѣтова с матерью своею с великою княгинею Еленою и з бояры, Саипъ-Гирѣевых царевых и Ислам-Гирѣевых людей къ их государемъ отпустилъ. А ко царю и к Исламу послал князь великии своего сына боярского Ивана Ильина сына Челищева, хотя с ними мира. Да и ко нимъ государем послал своих людей возвѣстити отца своего преставление и себя на государстве объявити. В Литву х королю къ Жигиманту послал своего сына боярского Тимофѣя Васильевича Заболотцкого Бражника, а къ Петру, воеводе Волошскому, || послал Татаръ своих Бахтѣяра Баимакова с това .л. 93 об. рыщи, а в Казань къ Еналѣю царю и ко князем и ко всѣм^ж землѣ Казанской Василья Беречинского.

^а в рукописи борос. ^б в рукописи и К на поле лѣта 7042. ^в в рукописи исправлено из пошлае.
^г в рукописи додѣт. ^д в рукописи заголовок написан на поле. ^е в рукописи исправлено из жаловаловал.
^ж в рукописи исправлено из всѣм.

1534 О чудесехъ святыхъ великомученицы Варвары. Тоя же зимы февраля, въ первое лѣто государства благочестиваго и христоролюбиваго великого князя Ивана Васильевича всеа Русии самодержца и его матери благовѣрной и христоролюбивой великой княгини Елены проявился господь нашъ Иисусъ Христосъ от иконы святые великие мученицы Варвары чудотворение: слѣпшии прозираху, глушии слышаху, нѣми проглаголаху, и всякими болѣзными одержими исцеление неоскудно приемлют, с вѣрою приходящимъ въ честный храмъ ея, еже бѣ за Торьгомъ у Панского двора, а преже сего времени чудотворения быша втайне, а ныне явленна и видима.

О посланнике. Того же мѣсяца февраля в 11 день посланникъ великого князя Ивана из Казани Василей Беречинской приѣхал, а с ним вмѣсте царь прислал к великому князю человеку своего Чюру-моллозоду з грамотою. И того же мѣсяца в 21 день || отпустил князь великий къ царю его человекъ Чюру, а с ним вмѣсте послал князь великий къ царю человекъ своего Посника Головина. Тоя же весны апрѣля, приидоша к великому князю Ивану Васильевичю государю и самодержцу всеа Русии на Москву послы Казанские Куданкул-улан, да Бурнакъ князь да Али бакъшѣи от царя Аналтѣи и от царевны и от князеи и от мурзъ и от всѣхъ людей Казанские земли. И здравствоваше великого государя Ивана Васильевича всеа Русии на государствахъ и били челом великому государю, чтобы государь пожаловал, царя с собою в одиначестве учинил и братомъ его себе назвал, а князеи бы Казанскихъ и всю землю Казанскую жаловал и берег, как отецъ твой князь великий Василей Ивановичъ жаловал и берег; а они от великого князя Ивана Васильевича всеа Русии неотступныи хотятъ быти всею землею Казанскою и до своихъ животовъ, и ихъ детей. И князь великий пожаловал, царя с собою в одиначестве^а учинилъ и братомъ его собѣ назвал, а князеи Казанскихъ и всѣхъ людей Казанские земли || хочетъ жаловати и беречи такъ же, какъ отецъ его князь великий Василей жаловал и берег; и пословъ Казанскихъ князь великий велѣлъ^б, грамотами и шертьми укрепивъ отпустить^в в Казань мѣсяца июня в 14 день. Того же лѣта мѣсяца мая в 8 день приходили Татарове, Азовцы и Крымцы, многие люди на Рязанские мѣста, на Проню. И воеводы, от великого князя посланные на Рязань, князь Семенъ княжъ Ивановъ сынъ Пунковъ да князь Иванъ Тать княжъ Феодоровъ сынъ Хрипуновъ, слышавъ Татаръ и поидоша на нихъ не со многими людьми. И божьею милостью и пречистые его матери помощью и святыхъ чудотворецъ молитвою, дошедъ Татар на Проне, многихъ побили, а пятьдесятъ Татаринцовъ да три живыхъ изымавъ к великому князю на Москву привезли, и князь великий воеводъ своихъ за то пожаловал. Того же мѣсяца в 20 день повелѣниемъ благовѣрнаго и христоролюбиваго великого государя Ивана Васильевича всеа Русии и его матери благочестивой царицы великой государыни Елены заложилъ градъ землянь, от каменного града возлѣ Неглинну къ живоначальной Троицы на площадку, а отголе л. 95 на Васильевской лугъ х Козмѣ и Демь|яну, къ Москвѣ рекѣ, и возлѣ Москву реку х каменомъ же стѣнѣй приведоша. А велѣлъ князь великий дѣлати градъ и ровъ конати митрополчимъ и боярскимъ и княжимъ и всѣмъ людемъ безъ выбора, и здѣлаша его того же лѣта мѣсяца июня. Того же мѣсяца июня в 22 день посланникъ великого князя Ивана Васильевича Иванъ Ильинъ сынъ Челіщевъ изъ Крыму приѣхал, а с ним прислалъ Исламъ царь своего человекъ Будалыи-мурзу. А сказалъ Иванъ великому князю, что Саип-Гирѣи царь Крымскыи не похотѣлъ дружбы и братства с великимъ княземъ того ради, что прислалъ къ царю Жигимантъ король Литовскыи, чтобы царь с нимъ былъ въ братстве, а на великого бы князя былъ с нимъ заедин; и Саип-Гирѣи царь похотѣлъ королю дружити, а на великого князя быти с нимъ заедин. А отъ Нагайскихъ князеи и мурзъ такоже присылки не было никоторые, и ратные захотѣли быти с великимъ княземъ^б. Отъ короля Жигиманта приѣхалъ великого князя посланникъ Тимофеи Васильевичъ Бражниковъ, а сказалъ, что король ему отвѣтъ учинилъ л. 95 об. гордостенъ: || которые города з божьею помощью великий князь Василей, свою отчину, у него поимал, и тѣхъ бы городовъ князь великий Иванъ ему попустился; и не похотѣлъ такъ быти, какъ былъ с великимъ княземъ Василюемъ, да также на брань вооружился, а х Крымскому царю посылалъ, чтобы с нимъ на великого князя былъ заедин.

^а в рукописи буквы на написаны над строкой.
отпустил.

^б в рукописи на поле лѣта 7042-го.

^в в рукописи

И великий государь Иван Васильевич всеа Русии слышев Крымского и недружбу и Нагайских князей и мурзъ и о королеве несогласи^а, упование свое полагает на всемилостиваго бога и воевод своих посылает на Коломну князя Ивана Бельского и иных воевод, а брата его князя Семена Бѣльского же да Ивана Ляцкого в Серпухов, а князю Ивану Воротынскому велѣл быти въ его отчине в Одоеве. А велѣл воеводам своим беречи своих украин от Крымского царя и от короля, а князю Михаилу Глиньскому велѣл у себя быти на Москвѣ. И восхотѣша въ государеве царстве учинити мятеж князь Семень Федорович Бѣльской и Иванъ Ляцкой, с великого князя службы збежали от православныхъ вѣры крестьянские и от благочестиваго государя в Латынство къ Жигиманту королю Польскому. И князь великий Иван Васильевич и великая княгини Елена л. 96 положили опалу свою на князя Ивана Федоровича Бѣльского и на князя Ивана Воротынского и на его дѣти, велѣл их поймавъ посадити за сторожи, и князя Михаила Глиньского велѣл поимати же и посадити въ полату, въ тое же, в которой преже того седѣл, у конюшни, за сторожи.

О после в Казань. Того же лѣта, мѣсяца июля, послал князь великий в Казань своего большего посла Федора Ивановича Беззубцова Аналѣя царя на грамоте на шертнои к шерти привести и князей Казанскихъ и мурзъ и всю землю Казанскую на грамоте укрепити и к шерти привести, и Федора въ Казани не стало, и привезоша его на Москву.

О Волоском послание. Того же лѣта приѣхал к великому князю Ивану Васильевичю из Волох Федур Левин, а послан был от великого князя Василия Ивановича в Волохи, а с ним прислал Петръ воевода Волоский своего челоуѣка Бустерѣя з грамотою, чтобы его князь великий Иван Васильевич жаловалъ и берег по тому же, как отецъ его || князь великий Василей пожаловал. л. 96 об. О Исламе^б. Того же лѣта Ислам царевич Мамед-Гириевъ сынъ царевъ, помятовал свою правду и великого князя Василия Ивановича всеа Русии къ собѣ дружбу, учал з дядею своим с Саип-Гирѣем царемъ, с Менли-Гирѣевым царевым сыномъ, бранити за то, что он с королем хочеть быти заедин на великого князя, и совокупився со всею ордою Крымскою, а Крымские все люди изымались за Ислама, и Ислам пришед Саип-Гирѣя царя с царства согнал, а сам на Крыму царем ся учинил. А къ царю и къ великому князю Ивану Васильевичю всеа Русии учал Ислам дружбу свою чинити и в братстве с великим князем учинилъся. А из Ногаи къ великому князю Шидяк князь и мурзы прислали своих великих пословъ и гостей многих с великими товары и просиша у великого князя, чтобы князь великий держал их по тому же, как их держал отецъ его князь великий Василей Иванович. Того же лѣта, августа в 10 день, князь великий Иван Васильевичъ всеа Русии к Ислам-Гирѣю отцу его челоуѣка Будалыи-мурзу отпустил, а с ним вмѣсте къ царю л. 97 послал своего сына боярского Федора Головина, а приказал князь великий с своим сыномъ боярскимъ к Исламу царю, что с ним въ дружбе и в братстве хочет быти и послал к нему на государстве ему поздравствовати болшего посла своего добраго челоуѣка князя Василия Семеновича Мезецкого. Да на Крым же князь великий отпустил с Ыслам-Гирѣевым челоуѣкомъ з Будалыем и своим сыном боярскимъ вмѣсте Петра воеводы Волошского челоуѣка его Бустерѣя, а с ним послал къ Петру к воеводе своего Татарина Нагая Тулушева. А приказал^в князь великий Иван къ Петру къ воеводе, что его жаловати хочеть по тому же, как его жаловал отецъ его князь великий Василей Ивановичъ.

О Ногайских послѣх^г. Того же мѣсяца в 27 день приидоша к великому князю Ивану Васильевичю всеа Русии послы Нагайские от Шидяка князя Кудояръ князь, а от мурзъ их люди, чтобы князь великий к нимъ дружбу свою дрѣжал и их жаловал || так же, как и отецъ его князь великий Василей Ивановичъ въ дружбе с собою держал и жаловал, и гостем Нагайским пожаловал бы, велѣл въ свои государства с коньми и со всяким товаром ходити и торговати. И князь великий и его мати Нагайских пословъ пожаловали, гостемъ их велѣлъ торговати^д. Да почтив их князь великий и отпустил Нагайских послов да с ними вмѣсте послал въ Ногаи своего посла Данила Иванова сына Губина Коломлятина. А приказал князь великий ко князю и къ мурзам, что

^а в рукописи на левом поле о измѣне. В К в тексте, после слова крымского. ^б в рукописи и К заголовок написан на поле. ^в в рукописи и К приказал. ^г в рукописи заголовок написан на поле. ^д в рукописи и К торговати.

их хочеть с собою въ дружбе держати тако же как их держал отець его князь великий Василен Иванович.

1534 О Стародубе^а. В лѣто 7043. Мѣсяца сентеврия 3 король же Жигимантъ совещанием злыхъ изменниковъ великого государя и его матери великие княгини Елены князя Семена Бѣльскаго и

л. 98 ных, подстриша Латынство на своего православнаго государя, и на его украинные || мѣста великие державы прислал король воевод своих со многими людьми, Андрѣя Немирова, воеводу Киевскаго, намѣстника Кричевскаго и иных своих воевод, и королевы воеводы, со многими людьми пришед под Стародуб, посад зажгли. И воевода великого князя князь Александръ Кашин из города против Литовскихъ людей выслал Ондрѣя Левина не со многими людьми, и божьим милосердием и пречистые его богоматери помощью великого государя люди под городомъ Андрѣи Левин Литовскихъ людей многихъ побил, а сорокъ человекъ пицальниковъ живыхъ изымал со всѣмъ нарядом и с пицальми, да доброго человекъ королева Суходольскаго, и Литовские люди, от того дрогнувъ и прочь пошли. — О Радогощѣ^б. Того же дни, идучи от Стародуба мимо Радогощъ, посад у города Радогоща зажгли. И люди градские на Литовскихъ людей из града вышли, а во граде

л. 98 об. тогда был намѣстникъ Матвѣи Лыков и пострадал за благочестие крѣпце, и от посаду || и город згорѣл, и намѣстникъ во граде, а жену его и детей въ полонъ взяли, и много крестьянства поплешиша. И оттоле пришед Литовские люди къ Почапу и постояв час и прочь пошлы. А великий государь Иван Васильевичъ и великая государыни матери его Елена от короля не бреглись, а в своих воеводахъ измѣны не чаял, и на тѣ свои украинны воевод своих не посылал, а велѣл быти и беречи воеводам своим на Коломне, и тѣмъ своим измѣнникомъ в Серьбухове и по инымъ мѣстам воеводам своим от Крымскаго царя и царевичъ. Краль же видѣвъ, что от великого князя к нему прибѣгли два воеводы, а на Стародубскихъ украиннахъ прибыльныхъ людей великого князя нѣтъ, и он послал на тѣ украинны люди своих по тѣхъ измѣнниковъ науку. И князь великий Иван Васильевичъ и матери его великая княгиня Елена послышевъ Литовскихъ людей на своихъ украиннахъ, и послал воевод своих часа того на тѣ украинны против Литовскихъ людей. И Литовский воевода свѣдав, что великого князя воеводы идуть против их, и они не дождав воевод поидоша || со украинны великого князя и с полоном.

О Чернигове. Того же мѣсяца королев воевода Ондрѣи Немиров с своими товарищи и со многими людьми Литовскими пришед под Черниговъ со многими людьми и с великим нарядом пушечнымъ и пицальнымъ, и учалъ къ городу к Чернигову приступати, и изъ пушек и изъ пицалей на градъ стреляти. И из града великого князя пицальники не даша им добрѣ приступитися, и божьим промыслом воевода великого государя Ивана Васильевича и его матери великой княгини Елены князь Федор княж Семенов сынъ Мезецкаго умыслил и выслал на Литовскихъ людей ночью Черниговъцовъ и великого князя люди возмутиша ими. Литва же промеж себя сами сечахуся: якоже Гедеон Мадямлянномъ сотвори, такоже и великого князя воевода Литовскимъ людемъ содѣла: многихъ побил Литовскихъ людей, и пушки и пицали со всѣмъ нарядом у нихъ поймали^в, и Андрѣи Немиров на утреней зорѣ и прочь побежал с великимъ срамомъ.

л. 99 об. О Смоленске^а. Того же мѣсяца в 13 день приходил на Смоленские мѣста и на посад Литовский князь Александръ^г Вешенский со многими людьми; и великого князя воеводы Смоленские на Литовскихъ людей вышли и || многихъ людей Литовскихъ у королева воеводы побил и они того же дни и прочь пошли.

О походе на Литву^б. Тоя же осени великий государь и самодержецъ Иван Васильевичъ всеа Русии и благочестивая великая государыни матери его вѣторая царица Елена, не мога сего терпѣти от Жигиманта короля Польскаго, совѣтъ сотворяет с своими бояры, хотя послати на зачинающаго брань на Литовскаго короля, дерзвующаго^д на благочестие великие державы право-

^а в рукописи и К заголовок написан на поле. ^б в рукописи заголовок написан на поле. ^в в рукописи понимали причем буквы има зачеркнуты. ^г в рукописи александръ. ^д в рукописи дерзвующаго, буквы дъ полусмыты.

славнаго государя. И великий государь Иван и его мати упование свое возлагают на вседръжителя бога отца и сына и святаго духа и на пречистую богородицу и на всѣх святых^а, мѣсяца нояврия в 28 день отпускает воевод своих с Москвы: в большом полку боярина своего и воеводу князя Михаила Васильевича Горбатого да князя Никиту Васильевича Оболенского, а в передовом полку боярина своего конюшого князя Ивана Федоровича Теплева да князя Никиту Борисовича Туренина, а в правой рукѣ князя Петра Ивановича Репнина да князя Петра же Федорова сына Охлябинина, а в лѣвой рукѣ князя Василья Ивановича Репнина да князя Ивана княж Семенова сына Мезецкого, а в сторожевомъ полку князя Ивана Ивановича Бѣльскаго да Василья л. 100
Петрова сына Борисова. А из Новагорода из Великого и изсо Пѣскова послал князь великий воевод своих от Опочки, а велѣл итти въ большомъ полку боярину и намѣстнику Новгородскому князю Борису Ивановичю Горбатову да Василию Ондриѣвичю Шереметеву, а в передовом полку князю Михаилу Михайловичю Курбьскому да князю Дмитрею Федоровичю Палецкому, а въ правой рукѣ князю Михаилу Ивановичю Курбьскому да Ивану Семеновичю Воронцову, а в лѣвой рукѣ Дмитрею Семеновичю Воронцову да Федору Семенову сыну Кольчеву, а въ сторожевом полку князю Федору Михайловичю Курбьскому да князю Ивану князь Михайлову сыну Засѣкина. И воеводы великого государя пришли в Литовскую землю, а король бѣ тогда в Вилне и не успѣ ничтоже. Посланные воеводы начали воевати от великого князя вотчины, от Смоленского рубежа, королеву державу: Дубровну, Оршу, Друческъ, Борисово, Прихабы, Соколин, Бобынич, Заборовне, Сорицу, Свѣси, Нову и Боровичи и иные города, и пришли в Молодечьну || и стали л. 100 об.
дожидатися Наугородцких воевод. А Новогороцкие воеводы воевали Полотескъ, Витепскъ, Бряславль, Основець, Сѣнну, Латыгоцу и иные города. И сошлись великого князя воеводы во едино мѣсто в Молодечьну и, воевав Молодечьну, пошлы къ Вильне^б и стали от Вильны за четьредесят верстѣ, а людей великого князя воеводы розослали воевати около Вилны, и люди великого государя воевали от Вильны за пятнацать верстѣ. А оттоле пошлы великого князя воеводы по Литовской землѣ, воевали и до Немецкого рубежа, у городов посады жгли, и волости и села королевы и панские жгли, а людей пленили безчисленно множество, а животину сѣкли и многих людей побили. Господь нашъ Исусъ Христосъ и пречистая мати его такову помощь помазанику своему и его матери, воем ихъ победу дарова, въ чужден странѣ без страхованія и без противления только множество воевали. Божьимъ милосердіемъ сохранено бысть великого государя и его матери воинство, цѣло и здраво приидоша на Опочку с великою корыстию и со многимъ || плѣномъ мѣсяца л. 101
марта в 1 день, в 4 недѣлю святаго поста.

В Литовской же поход^в. И в то же время послал князь великий и его мати в другое мѣсто Литовские же земли воевати из Стародуба. Лѣта 7043-го. Тоя же осени и того же мѣсяца нояврия, 1534
воевод своих: в большем полку князя Федора Васильевича Теплева Овчину да князя Ивана княж Тимофѣева сына Тростенского, а в передовом полку^г князя Костянтина Ивановича Курлятева, а в сторожевом полку князя Дмитрея Ивановича Курлятева же, со многими людьми. И воеводы великого князя и его матери шед воевали королеву державу, города Речицу, Свислачь, Горволь, Петровъ городокъ, Мозырь, Слуцескъ, Рогачевъ, Бобруескъ, Туровъ, Брятин, Лебеч, и до Новагородка Литовского посады жгли, и волости и села воевали, и людей пленили. И божьєю милостью, дал богъ, воеводы великого государя и люди всѣ вышли из Литовские земли, дал богъ, здравы со многимъ плѣномъ.

О архиепископѣ^д. Тоя же зимы, мѣсяца генваря в 11 день приѣхал к великому князю Ивану 1535
Васильевичю всеа || Русии и къ его матери къ великой княгини Елене и из их отчины богомолецъ л. 101 об.
их архиепископъ Макарей Великого Новагорода и Пѣскова, поздравствовал великого государя Ивана Васильевича на великих государствех, благословилъ его и челом ударил великому князю крестъ самфиръ, золотом обложецъ, да крабицу хрустальну, серебромъ золоченым оковану, с фи-

^а в рукописи на поле лѣта 7063-го. ^б в рукописи вилне. ^в в рукописи заголовок написан на поле.
^г в рукописи пол. ^д в рукописи и К заголовок написан на поле.

нифтомъ, и иные многие дары. И князь великий архиепископа почтив, его отпустилъ въ свою отчину того же мѣсяца в 28 день, в четверток^а мясопусные недѣли.

О Немецком послѣ^б. Того же мѣсяца в 16 день приидоша к великому князю Ивану Васильевичю царю и государю всеа Русии на Москву послы из Стекольна и от избраннаго короля от Свѣйскаго от Гастауса Гутман Лавровъ да Матьяшъ Лавров да Олбрех Овкимовъ, и здравствовала великого государя на великихъ государствех и били челом великому князю о перемирии. И великий государь Иван Васильевичъ послов почтил и отпустил их, а перемирие велѣлъ взяти^в намѣстником Новогороцкимъ въ своей отчине в Великом Новѣгородѣ по тому же, какъ были перемирья со
л. 102 отцемъ его, с великимъ княземъ Василиемъ || Ивановичемъ всеа Русии.

О Крымском послѣ^г. Того же мѣсяца в 21 день приѣхалъ к великому князю Ивану Васильевичю всеа Русии изъ Крыму Василей Сергѣевъ сынъ Левашева с товарищи, а посланъ былъ от великого князя Василя Ивановича в Крым Ислама поздравствовати на государстве, а привезъ к великому государю Ивану Васильевичю изъ Крыму от Ислама царя грамоту шертную. И с нимъ вмѣстѣ пришелъ Исламовъ царевъ посолъ Тенишъ князь Китаи-Караамсоновъ сынъ с тѣмъ, что Исламъ учинился с великимъ княземъ Иваномъ въ братствѣ въ крѣпкой дружбѣ, и правду великому князю Исламъ дал, и с нимъ калѣга Сава-Кирѣи царевичъ и иные царевичи, и хотятъ быти с великимъ княземъ заедин на недруговъ великого князя.

О раках. Благаго и чловѣколюбиваго бога господа нашего Исуса Христа и пречистыя его матери благи раб и добрый строитель и правитель истинные вѣры крестьянскія благочестивыи и боголюбивыи самодержавныи великий государь Василей Ивановичъ всеа Русии, милостивыи, нищелюбивыи, с великою вѣрою и любовью часто приходящи^д ко святѣи велицей церкви Пречистыя и всенепорочныя богоматери ко гробу святителя Петра чудотворца и церкви, идѣже лежатъ
л. 102 об. мощи святаго и великаго Алексѣя чудотворца, и лобы||зая со слезами великий государь честныи и святыи ихъ мощи и особе и наединѣ по вся дни и нощи теплою вѣрою на помощь призываетъ ихъ и въ молитву подвизаетъ ихъ, да помогутъ ему ходатайствомъ къ богу и къ пречистой его матери о прижитии чадъ и обѣты своя предъ ними въ сердца своемъ полагаетъ, еже благоприятне быти молитве его, писано бо есть въ древнихъ убо и в нынѣшнихъ: любящихъ бога вся поспѣшаютьца въ благое, вся убо возможно вѣрующему, рече господь. И родися ему сынъ, и великий государь хваля и благодаря бога и пречистую его мать и святыхъ и великихъ чудотворцовъ Рускихъ Петра и Олѣксѣя, и блажа, и ублажаетъ ихъ: «о святии отцы, о пастырие и учителяе нашия дръжавы, кое благодарение воздамъ о сихъ вашему достоинству, чадолюбивыи отцы святии.» И со многимъ молениемъ и радостною душею обѣты сердца своего исполнилъ хотя святымъ чудотворцемъ, раки мощемъ ихъ повелѣ дѣлати со всякимъ царскимъ устроениемъ, святому и великому Петру чудотворцу раку злату вычеканити, образъ златъ Петра чудотворца, и каменнемъ драгимъ украсити, || а страны у раки серебряны; а святому Алексѣю чудотворцу раку серебряну всю, а на ракъ образъ его позлатити, и столпы у раки позлатити же. В лѣто 7039, мѣсяца генваря, въ двадцатъ шестое лѣто государства его, начаша дѣлати ракии святымъ и додѣлаша раку святаго и великаго чудотворца Алексѣя в лѣто 7043 мѣсяца февраля, во второе лѣто царства благовѣрнаго и христолюбиваго великаго князя Ивана Васильевича и его матери благовѣрныя и христолюбивыя великия княгини Елены. И благочестивые великий самодержецъ Иван Васильевичъ, божьею милостию государь всеа Русии и великий князь, и его мати благовѣрная и велемудрая великая государыни княгини Елена с великою вѣрою и со многимъ желаниемъ.

О проложении мощемъ Алексѣя чудотворца. Повелѣ Данилу митрополиту преложити мощи святаго Алексѣя чудотворца в раку серебряну. И того же мѣсяца в четвертокъ первыи недѣли поста, в 3 часъ нощи, Данил митрополитъ и епископъ Иона Рязанскій и епископъ Досифѣи Крутицкій и

^а в рукописи четверть. ^б в рукописи и К заголовокъ написан на поле. ^в в К и рукописи звити. ^г в рукописи заголовокъ написан на верхнемъ поле другими чернилами. ^д в рукописи и К на поле написано лѣта 7043-го.